

Media Title : Sinar Harian

Headline : Bertindak Awal Elak Risiko ketika Banjir

Date : 30 / 08 / 2016

Page : 43

Bertindak awal elak risiko ketika banjir

LUBOK JONG – Penduduk perlu mengubah persepsi musim banjir sebagai perkara biasa kerana sebarang perubahan cuaca mungkin berakhir dengan bencana.

Koordinator River Care Programme, Dr K Kalithasan berkata, mengambil contoh kejadian banjir besar dua tahun lalu, penduduk perlu bertindak sendiri dan peka dengan keadaan sekitar.

Menurutnya, penduduk sebelum ini lebih bergantung kepada kerajaan dan kakitangan keselamatan ketika berlaku banjir.

“Antara tindakan pantas adalah berpindah ke pusat pemindahan lebih awal, malah menyediakan kit kelengkapan beberapa bulan sebelum itu.

“Jika penduduk hanya menunggu arahan berpindah dikeluarkan, kemudian baru cari semua keperluan, ia mungkin membahayakan nyawa mereka



Seramai 85 penduduk dari 17 kampung diberi pendedahan mengenai persediaan banjir di Dewan Utama Apam Putra Kompleks Apam Putra Bandar Baru Pasir Mas.

dan mendatangkan risiko kepada anggota penyelamat,” katanya selepas Seminar Kesedaran dan Pendekatan Komuniti dalam Menghadapi Banjir.

Kalithasan berkata, kit itu digunakan bagi menyimpan dokumen penting, bekalan ubatan,

kit kebersihan, barang peribadi, wang tunai dan stok makanan perlu diletakkan di tempat mudah dicapai.

Dalam seminar itu, seramai 85 penduduk dari 17 kampung diberi pendedahan mengenai persediaan banjir di peringkat komuniti.

Program anjuran 'Malaysia Water Patnership' dan 'Global Water Partnership' itu menumpukan kepada pemimpin di peringkat bawah, seterusnya ke peringkat atasan.

Hadir sama, Ketua Jajahan Pasir Mas, Mohamed Nor Husin.